

大慧普覺禪師住徑山能仁禪院語錄卷第三

說三

徑山能仁禪院住持嗣法慧日禪師臣蘊聞上進

上堂舉僧問睦州以一重去一重即不問不以一重去一重時如何州云昨日栽茄子今

朝種冬瓜師云高高處觀之不足低低處平

之有餘茄子明日堂中一任諸人橫咬豎咬

還有人向冬瓜上道得一句子麼若道得一句子若僧若俗有情無情盡皆飽齁齁地若道不得還我飯錢來

上堂法是常法道是常道拶破面門點即不到喝一喝

上堂舉僧問睦州如何是展演之言州云量才補職如何是不展演之言州云伏惟尚饗師云睦州古佛善應來機雖然如是只得入說三成或有人問徑山如何是展演之言即向佗道問十答百有甚麼難如何是不展演之言喝一喝云且莫屎窖沸

魏侍郎請陞座寄居衢州常山縣持服魏矼謹施淨財入山修設仍命山野陞于此座舉

揚般若以此功德資薦先考致政宣教往生
安養諸人還知麼這老居士便是和州三世
接待底魏公也山僧大觀初行脚時亦曾到
佗家時侍郎尚幼今日作從官爲國家宣力
皆乃翁陰德所致此翁平生極修學喜讀佛
書從方外老衲游精修梵行常以王梵志土
饅頭頌作佛事以警悟流俗比見潘舍人所
作行狀詳書其實聞疾已革有來問訊者亦
以慈悲攝化不及世間一言啓手足時談笑
自若跏趺而逝淨名所謂設身有苦念惡趣

衆生起大悲心我旣調伏亦當調伏一切衆
生但除其病而不除法遂召大衆云魏公疾
已革而能忍苦爲諸來者隨宜說法足見學
佛之驗今日幸遇在會諸人同此證明不免
借渠鼻孔出氣要識法麼真如佛性菩提涅
槃是要識病麼妄想顛倒貪瞋邪見是雖然
說三如是離妄想顛倒無眞如佛性離貪瞋邪見
無菩提涅槃且道分即是不分即是若分存
一失一其病益深若不分正是顛倒佛性罷
侗真如畢竟作麼生說箇除病不除法底道

理有般漢聞恁麼說便道即法是病即病是
法但有言說都無實義順真如則顛倒妄想
貪瞋邪見悉皆是法隨顛倒則真如佛性菩
提涅槃悉皆是病恁麼見解莫道我披衲衣
便是作陀座主奴也未得在何故須知平地
上死人無數灼然過得荆棘林者是好手不
見古人云設有一法過於涅槃吾說亦如夢
幻苟能於夢幻中如實而證如實而解如實
而修如實而行以如實之法能自調伏起大
悲心作種種方便復能調伏一切衆生而於

衆生不作調伏不調伏想亦復不作顛倒想
不作貪瞋邪見想不作真如佛性菩提涅槃
想不作除病不除法想不作存一去一分不
分想既無如是之想則一道清淨平等解脫
徑山今日說此清淨平等解脫之法奉爲持
服魏矼追薦先考致政宣教伏願了唯心之
說三
淨土見自性之彌陀此界佗方隨處快樂復
召大衆云今旣借渠鼻孔出氣已了而今徑
山却將鼻孔爲渠出氣去也喝一喝

解夏上堂四月十五這公案七月十五方結

絕即今這裏許多人人人有理難分雪衆中
莫有辯口利詞底麼試出來分雪看直饒分
雪得去也須腦門著地始得

上堂舉雲門道直得觸目無滯達得名身句
身一切法空山河大地是名名亦不可得喚
作三昧性海俱備猶是無風雨雨之波直得
亡知於覺覺即佛性矣喚作無事人更須知
有向上一竅在師云潑油救火渾閑事雪上
加霜愁殺人

上堂拆去東籬補起西壁徑山門下全無準

的有準的誰委悉僧堂觀破香積廚鷄吻咬
殺佛殿脊

上堂僧問翠微供養羅漢丹霞燒却木佛未
審這二尊宿阿那箇是師云阿那箇不是進
云中間底分付阿誰師云且儘摸索進云爲
甚麼都在柱杖頭上橫來豎去師云眼華作
甚麼進云只這便是和尚爲人處也無師云
是乃云丹霞燒木佛不順人情翠微供羅漢
隨方毗尼若到徑山門下總用不著且道徑
山門下用箇甚麼秋江清淺時白露和煙島

良哉觀世音全身入荒草

上堂山僧未出鄉八十日已前早爲諸人道
破今日事了也作麼生是今日事喝一喝

上堂僧問千聖不到處萬法用無虧如何是
徑山機師云偃蹇真龍寧藏困水進云蕩蕩
第三
而法界全彰歷歷而祖機獨耀師云天左旋
地右轉進云全體恁麼來全體恁麼去師云
走殺闍黎乃云真心無住真照獨存真性絕
攀緣真見不由境真智無礙真慧無邊上合
諸佛本源下契羣生心地所以道處處真處

處真塵盡是本來人真實說時聲不現正
體堂堂沒却身乃顧視大眾云如何是堂堂
底正體臨崖看游眼特地一場愁

上堂智不到處切忌道著道著即頭角生舉
起拂子云頭角生也是驢是馬還識得麼若
識得不妨向異類中行若識未得永劫沉淪
上堂舉僧問投子月未圓時如何子云吞却
三箇四箇僧云圓後如何子云吐却七箇八
箇師云三箇與四箇七箇與八箇數目甚分
明無人數得過既是數目分明爲甚麼無人

數得過良久云道士著白欄且非真措大
上堂僧禮拜起便喝師亦喝僧歸衆師云猶
欠一著在乃云一喝分賓主照用一時行要

會箇中意日午打三更且道適來這僧一喝
與山僧一喝說三五那箇是賓那箇是主那箇是照
那箇是用於此辯得許你大千獨步其或未
然鉢盂裏切忌失却匙箸復喝一喝

新輓法鼓歲旦上堂新歲擊新鼓普施新法
兩萬物盡從新一一就規矩普賢大士欣歡
乘時打開門戶放出白象王徧地無尋處拈

起拄杖云唯有這箇不屬故新等閑開口吞
却法身擲下云是甚麼千年桃核裏元是舊
時仁

上堂舉僧問趙州學人乍入叢林乞師指示
州云你喫粥了也未僧云喫粥了州云洗鉢
孟去僧忽然大悟師云還端的也無雲門云
且道有指示無指示若道有向渠道甚麼若
道無這僧爲甚悟去師復云趙州與這僧若
不得雲門一生受屈而今諸方有一種瞎漢
往往盡作洗鉢孟話會了

上堂今朝正月半有則舊公素點起數盞燈
打鼓普請看看即不無忽爾油盡燈滅時暗
地裏切忌撞著露柱

上堂立土大仙心東西密相付作麼生是相
付底心喝一喝拍禪牀一下云是何言歟

張汪二狀元至上堂舉僧問雲門如何是和尚家風門云有讀書人來報師云讀書人已在這裏且作麼生與伊相見乃顧視左右云不是冤家不聚頭

上堂舉僧問投子如何是十身調御投子下

繩牀立又問凡聖相去多少投子亦下繩牀立師云投子下繩牀今朝為舉揚驢前馬後漢切忌亂承當

上堂僧問大修行底人還落因果也無前百丈云不落因果說三爲甚麼墮野狐身六師云逢人但恁麼舉進云只如後百丈道不昧因果爲甚麼脫野狐身師云逢人但恁麼舉進云或有人問徑山大修行底人還落因果也無未審和尚向佗道甚麼師云向佗道逢人但恁麼舉乃云大修行人落因果以拂子擊禪牀

一下云也不離這箇消息大修行人不落因果又擊禪牀一下云也不離這箇消息落與不落一筆勾下却喚甚麼作因果復擊禪牀一下云也不離這箇消息乃舉起拂子召大衆云五百生前消息在不須意下別搜求

上堂祖師道眼若不睡諸夢自除心若不異萬法一如那箇是不睡底眼那箇是不異底心山華開似錦潤水湛如藍

上堂有情之本依智海以爲源含識之流總法身而爲體且那箇是智海之源那箇是法

身之體若識得此源千源萬源只是一源若識得此體千體萬體只是一體所以道無邊刹境自佗不隔於毫端十世古今始終不離於當念雖然如是丈夫自有衝天志休向如來行處行

說三

上堂法無定相建立由人慕拈拄杖卓一下云是法非思量分別之所能解且道不分別不思量時是箇甚麼分別思量時又是箇甚麼復卓一下喝一喝

舉本顏二首座立僧上堂驅耕夫之牛奪饑

人之食趨翻大海水奉倒須彌盧生擒虎兕
活捉綈龍猶未是納僧本分事作麼生是納
僧本分事問取堂中二首座

上堂拈拄杖卓一下云觀音妙智力能救世

間苦百華開爛熳覩見沒可覩遂擲下云今

朝三月五

上堂即心是佛更無別佛即佛是心更無別
心如拳作掌似水成波波即是水掌即是拳
此心不屬內外中間此佛不屬過未現在既
不屬內外中間又不屬過未現在此心此佛

悉是假名既是假名一大藏教所說者豈是
真耶既不是真不可釋迦老子空開兩片皮
掉三寸舌去也畢竟如何但知行好事休要
問前程

上堂舉臨濟一日侍立德山次德山顧謂曰

老僧今日因臨濟曰這老漢寐語作甚麼山
擬拈棒濟便掀倒繩牀雲峯云二貞作家一
拶一捺略露風規大似把手上高山雖然如
是未免傍觀者哂師云雲峯老人恁麼批判
大似普州人徑山若見縛作一束送在河裏

何故不見道蚌鵝相持俱落漁人之手

浴佛上堂云大家潑一杓惡水洗滌如來淨
邊垢垢盡衆生煩惱除狐狸便作師子吼

上堂舉雲門問曹山如何是沙門行山云喫
說三常住苗稼者門云便恁麼去時如何山云你

還畜得麼門云學人畜得山云作麼生畜門
云著衣喫飯有甚麼難山云何不道披毛戴
角門禮拜師云二尊宿恁麼問答未免在驢
胎馬腹裏作活計雖然如是狗銜赦書諸侯

避道

上堂僧問明頭來時如何師云頭大尾顛纖
進云暗頭來時如何師云野馬嘶風蹄撥刺
進云明日大悲院裏有齋又作麼生師云雪
峯道底乃云明頭來明頭打開眼著暗頭來
暗頭打閉眼著四方八面來旋風打漏逗不
少虛空裏來連架打著甚來由總不恁麼來
却較些子明日大悲院裏有齋特地一場愁
復云古人恁麼道令人恁麼提於宗乘中成
待甚麼邊事喝一喝

上堂僧問過去心不可得現在心不可得未

來心不可得時如何師云親言出親口進云
未審如何受持師云但恁麼受持決不相賺
僧禮拜師乃云過去諸如來斯門已成就現
在諸菩薩今各入圓明未來修學人當依如
是法既依如是法只如過去心不可得現在
心不可得未來心不可得三世既不可得作
第三九
生壽者正當恁麼時還有定奪得出者麼若
定奪不出明日來向汝道

上堂舉僧問風穴古曲無音韻如何和得齊
穴云木雞啼子夜芻狗吠天明師云這黃面
浙子恁麼答話也做佗臨濟兒孫未得在今
不居陰界常轉如是經百千萬億卷只如今
日檀越請徑山一千七大衆所轉者還在
百千萬億卷中也無若在其中即取法相若

不在其中即取非法相故經云若取法相即
著我人衆生壽者若取非法相即著我人衆
生壽者正當恁麼時還有定奪得出者麼若
定奪不出明日來向汝道

上堂舉慧超問法眼如何是佛眼云汝是慧

超雪寶云江國春風吹不起鷓鴣啼在深華
裏三級浪高魚化龍癡人猶岸夜塘水白雲
師翁云一文大光錢買得箇油糍喫向肚裏
了當下便不饑師云二尊宿一人許伊會聽
鷄鴟啼一人會買油糍喫若是慧超佛話未
會在

上堂聞聲悟道見色明心驀拈拄杖云這箇
是色卓一下云這箇是聲諸人總見總聞且
那箇是明底心那箇是悟底道喝一喝云貪
佗一粒米失却半年糧復卓一下

上堂舉僧問臨濟如何是三眼國土濟云我
共汝入淨妙國土中著清淨衣說法身佛又
入無差別國土中著無差別衣說報身佛又
入解脫國土中著光明衣說化身佛師顧視
大衆云還見臨濟老漢麼若也未見徑山爲
你指出法身報身化身咄哉魍魎妖精三眼
國中逢著笑殺無位真人

上堂舉鎮府大王問趙州和尚年尊有幾箇
牙齒在州云只有一箇王云爭喫得物州云
雖然一箇下下咬著師喝一喝云少賣弄

上堂舉僧問趙州如何是不錯路州云識心見性是不錯路師云棒打石人頭曝曝論實事不用作禪會不用作道會若要不錯路須是識心見性始得且那箇是識底心那箇是見底性有般底聞恁麼道便道有水皆含月

無山不帶雲恁麼見解正是鄭州出曹門

上堂舉僧問南泉牛頭未見四祖時爲甚麼百鳥銜華獻泉云步步蹋佛階梯僧云見後爲甚麼不銜華獻泉云直饒不來猶較王老師一線道雲門道南泉只解步步登高不解

從空放下師云雲門雖有鍼膏肓起廢疾之能未免治聾作啞步赤登高從空放下甚麼處得這消息來有僧請益雲門如何是步步登高門云香積世界僧云如何是從空放下門云填溝塞壑說三師云且救得一半

上堂舉雲門問直歲今日作甚來歲云刈茅

十來門云刈得幾箇祖師歲云三百箇門云朝打三千暮打八百東家杓柄長西家杓柄短作麼生歲無語門拈拄杖便打師云直歲無語自有三百箇祖師證明雲門令雖行要且

棒頭無眼

上堂舉雲門道釋迦老子與天帝釋在中庭
裏相爭佛法甚鬧師云這老漢好與三十拄
杖且道過在甚麼處誣人之罪以罪加之

上堂舉三聖問雪峯透網金鱗以何爲食峯
云待汝出網來向汝道三聖云一千五百人
善知識詰頭也不識峯云老僧住持事繁師
云二尊宿一人龐似丘山一人細如米末雖
然麤細不同稱來輕重恰好徑山今日真實
告報汝等諸人切忌鑽龜打瓦

上堂舉世尊與阿難一日行次見一塔廟世
尊作禮阿難問云此是何人塔廟世尊云是
過去諸佛塔廟阿難云是何人弟子世尊云
是吾弟子阿難云應當如是師云阿難好箇
應當如是爭奈中間欠了一著若要話圓待
世尊道是吾弟子便向道更須禮某甲三拜
始得世尊若問因甚教吾禮汝却句道應當
如是

上堂色心不二彼我無差鷲拈拄杖云若喚
這箇作拄杖子捏目生華若不喚作拄杖子

破家散宅畢竟如何擲下云青山只解磨今
古流水何曾洗是非

上堂舉念法華與真園頭侍立風穴次穴問
真云作麼生是世尊不說說迦葉不聞聞真
云鵠鳩樹頭^{歲三}啼意在麻舍裏穴云你作許多
癡福作甚麼何不體究言句又問念云你作
麼生念云動容揚古路不墮悄然機穴云你
何不看念法華下語師云山僧當時若見這
老漢恁麼道深掘一坑一時埋却更牽牛從
上躡過却須放真公出一頭始得山僧恁麼

道且不是抑強扶弱亦不是杜撰差排你若
識得鵠鳩樹頭啼意在麻舍裏便識得動容
揚古路不墮悄然機這兩轉語畢竟是一耶
是二耶若道是一爲甚麼風穴只肯念法華
却不肯真園頭若道是二爭奈落霞與孤鶩
齊飛秋水共長天一色參

上堂舉趙州示衆云不得閑過念佛念法念
僧便問如何是學人自己念州云念者是誰
僧云無伴州叱云這驢師云這僧雖然無伴
成羣作隊聒擾殺人趙州雖好一頭驢只是

不會喫草

五祖師翁忌日上堂山前一片開田地元來
記得在叉手叮嚀問祖翁只為契券不分明
幾度賣來還自買難為牙保人為憐松竹引
清風喝一喝云乞兒見小利

說三

十三

上堂舉金峯示衆云老僧二十年前有老婆
心二十年後無老婆心時有僧出問如何是
二十年前有老婆心峯云問凡答凡問聖答
聖僧云如何是二十年後無老婆心峯云問
凡不答凡問聖不答聖師云徑山當時若見

只將五祖師翁底對他遂舉手作鶴鳩觜云
谷谷呱

上堂即念離念覺與非覺有心無心若善若
惡攬成一塊將錯就錯舉起拂子云拂子頭
上一串穿却便恁麼去業識茫茫無本可據
且道業識茫茫底與釋迦老子相去多少喝
一喝云洎合錯下註腳

上堂舉玄沙示衆云諸方老宿盡道接物利
生或遇三種病人來作麼生接患盲者拈椎
暨拂佗又不見患聾者語言三昧佗又不聞

患亞者教伊說又說不得且作麼生接若接
此人不得佛法無靈驗有僧請益雲門門云
你禮拜著僧禮拜起門以拄杖徑僧退後門
云你不是患盲復喚近前僧近前門云你不
是患聾乃豎起拄杖云還會麼僧云不會門

云你不是患亞其僧於此悟去師云這僧雖
然悟去只悟得雲門禪若是玄沙禪更買草
鞋始得

上堂舉鴻山與仰山行次鴻山指一丘謂
仰山云這頭得恁麼高那頭得恁麼低仰山

云却是那頭高這頭低鴻山云你若不信但
向田中立看兩頭仰山云不必中間立亦莫
住兩頭鴻山云若如是著水看水能平物仰
山云水亦無定但高處高平低處低平鴻山
便休師云顯諸仁藏諸用鼓萬物而不與聖
故三古

人同憂盛德大業至矣哉喝一喝

上堂僧問釋迦掩室於摩竭淨名杜口於毗
耶爲復計較未成爲復伎倆俱盡計較師云計較
未成伎倆俱盡問有問有答一切處風流無
問無答還有佛法也無師云是何言歟進云

未審向甚麼處行履師云向無佛法處行履乃云有問有答有放有收有主有賓有殺有活活時無殺時道理殺時無活時道理賓家

無主家道理主家無賓家道理賓則始終賓主則始終主賓主交參當門按劍不見適來

禪客問釋迦掩室於摩竭淨名杜口於毗耶

爲復計較未成爲復伎倆俱盡山僧答佗道
計較未成伎倆俱盡諸人作麼生會若也會
得全賓即主全主即賓全收即放全放即收
全殺即活全活即殺乃喝一喝云這裏是甚

麼所在作這箇語話自云但有路可上更高
人也行

大慧普覺禪師住徑山能仁禪院語錄卷第

三

或二

土

音釋

齁火侯切窘居效石古雙饅讀官疾革訖革
急也力切鴟吻鴟處脂切許火五切輓誤官刃
趯他壓切兜序姊切獸似蚌步項切鵠以
名切鳥戽火故切牛一角爲兜蚌蛤屬鵠律

鍼諸深切